



NUKISSIORFIIT.GL

TUNINIAANERMI PIUMASAQAATIT

makkuningga tamanut pilersuinermi

**INNAALLAGIAQ, IMEQ AAMMA
KIASSARNEQ**

nr. 8. Atuutilerfia 1. februar 2009

Aallarniut

Nukissiorfiit tuniniaanermi pilersuinermilu piumasaqaataat, takussutissat ilanngullugit, tassaavoq innaallagissamik, imermik kiassarnermillu tuniniaanermi pilersuinermilu sullitap aamma Nukissiorfiit akornanni inatsisitigut tunngavissatut uppernarsaat pingarneq.

Sullitap tuniniaanermi pilersuinermilu piumasaqaatit takussutissallu taassumunnga ilaasut imarisai ilisimasariaqarpai.

Sullitap aamma Nukissiorfiit inatsisit, peqqussutit, nalunaarutit innersuussutillu il.il. qaqugukkulluunniit atuuttut malittussaavaat. Taakkunannga makku immikkut erseqqissaatigineqarput:

Nukissiornermik pilersuineq pillugu Inatsisartut peqqussutaat nr. 14 ulloq 6. november 1997-imeersoq aamma Inatsisartut peqqussutaat ulloq 15. november 2007-meersoq

Innaallagialaq sakkortoq atortullu innaallagissatortut pillugit Inatsisartut peqqussutaat nr. 12 ulloq 3. november 1994-imeersoq

Inatsisartut peqqussutaat nr. 2 ulloq 31. oktober 1991-imeersoq aamma Inatsisartut peqqussutaat nr. 3 ulloq 16. maj 2008-eersoq, kiassaateqarfinnut innaallagissamit kiassarneqartunut (elektrokedler) erngup nukinganik nukissiorfinnit attavilersinnissamik pisussaanermut tunngasoq

Nunaqarfiit innaallagissamik imermillu pilersorneqarnerisa Namminersornerullutik Oqartussanit tiguneqarnerat pillugu Inatsisartut inatsisaat nr. 13 ulloq 6. november 1997-imeersoq

Innaallagissamut sakkortuumut atortut pillugit ataatsimoorussamik aalajangersakkat

Namminersornerullutik Oqartussat aamma Kalaallit Nunaanni Kommuneqarfiit Kattuffiat, kommunit nunaqarfiini innaallagissamik imermillu pilersuinerup Namminersornerullutik Oqartussat/Nukissiorfiit isumagilerneranni Isumaqaatigiissutissatut Tunngavigisaq 1. januar 1998-imeersoq

Kotomut pingaarnermut 75.02.02 Nukissiorfiit – Namminersornerullutik Oqartussat Nukissiornermik pilersuiffiata Inatsisartut inatsisaanni 2009-mut oqaasertassatut oqaaseqaat nr. 4

Innaallagissamut, imermut ataatsimoortumillu kiassarnermut immikkoortukkaanut aningaasartuutit naatsorsorneqartarnerini aningaasartuutit agguataarneqartarnissaannut periusissatut tunngavissanik aalajangersaasarneq pillugu Inatsisartut nalunaarutaat nr. 12 ulloq 10. august 2006-imeersoq

INNAALLAGISSAMIK tamanut pilersuinermi pilersuinermi piumasaqaatit nalinginnaasut

IMERMIK tamanut pilersuinermi pilersuinermi piumasaqaatit nalinginnaasut

KLIASSARNERMIK AAMMA INNAALLAGIATORTUMIK KLIASSARNERMIK tamanut pilersuinermi pilersuinermi piumasaqaatit nalinginnaasut

Imarisai

Nukissiorfiit tuniniaanermi pilersuinermilu piumasaqaataat immikkoortunut makkununga
agguarneqarput:

1. Aallarniutaasumik aalajangersakkat
2. Innaallagissamik pilersuinermi akit aalajangersakkallu
3. Imerkik pilersuinermi akit aalajangersakkallu
4. Kiassarermik kiassarermillu qaminneqarsinnaasumik pilersuinermi
akit aalajangersakkallu
5. Uuttuinerit atorsimasanillu nalunaarsuinerit
6. Akiliisarneq akiligassanillu kinguaattoorneq
7. Nalunaarutiginninneq, taamaatitsineq nuunnerlu
8. Akisussaaffiit
9. Saaffiginnittarneq
10. Maalaaruteqarsinnaaneq

1. Aallarniutaasumik aalajangersakkat

Sullitat assigiingitsut

1.1

Sullitatut paasineqartarpoq inuk, suliffeqarfik imaluunniit inatsisitigut suliarinniffik atortorissaarutininik atuisutut nalunaarsimasoq.

Sullitat assigiingitsut 1

1.1.1

Sullitanut assigiingitsunut 1-imut ilaapput innaallagissamik, imermik kiassarnermillu sullitanut tamanut pilersuinerit, innaallagiaq imerlu eqqarsaatigalugit nunami aalisakkeriviit ilanngunnagit, takuuk imm. 1.1.2.

Sullitat tamarmik aalajangersimasumik innaallagissamut kiassarnermullu kiisalu innaallagissamut kiassarnermullu qaminneqarsinnaasunut akit assigiit atuutsinneqarput.

Sullitat assigiingitsut 2

1.1.2

Sullitanut assigiingitsunut 2-nut ilaapput nunami aalisakkerivinnut innaallagissamik imermillu pilersuineq.

Nunami aalisakkerivinnut ilaapput tunisassiorfiit kaaviiartitaat 50%-ii sinnerlugit aalisakkanik qalerualinnillu tunisassiornermik tunngavillit.

Tunisassiorfik tassaavoq sumiiffik tigussaasoq, aalisakkanik qalerualinnilluunniit tulaassuiffiusoq suliarinnittarfiusorluunniit.

Innaallagissamik imermillu sullitat 2-nut pilersuineq taamaallaat tunisassiornermut aalajangersimasumut pisinnaavoq, suliffeqarfiup innaallagissamik imermillu atuineranut allanut sullitat 1-itut akiligassiissutigineqassapput.

Suliffeqarfinnut pioreersunut, innaallagissamik imermillu tunisassiornermut siunertanullu allanut atugassanik immikkoortitsissutinik ikkussuinermit aningaasartuutit amerlatillugit, suliffeqarfiup aamma Nukissiorfiit akornanni innaallagissamut imermullu siunertanut allanut atugassanik atuinera pillugu %-imik akiliutissaq pillugu isumaqatigiissutigineqarsinnaavoq.

Nunami aalisakkeriviup aamma Nukissiorfiit akornanni innaallagissamik imermillu pilersuineq sioqqullugu nukissiornermik sunniutinillu kiisalu erngup annertussusia pilersuiffiusullu ataasiakkaarlugit akunnerni atuneq pillugu annertunerpaaffissaa pillugu immikkut isumaqatigiissusiorortoqarsinnaavoq. Innaallagissamik imermilluunniit amikkittuulernermit imaluunniit taama ilimasulernermit, sumiiffimmi nukissiorfik allakkatigut isumaqatigiissusiorfiussaaq, takukkit qulaani taaneqartut.

Nunami aalisakkeriviit siunissami innaallagissamik imermilluunniit

amikkittoorfiusumi atuinissaq pillugu pisariaqartitsineq pillugu pilersaarutininik uppersarsaasiorsinnaassaaq.

Nunami aalisakkerivik innaallagissamik imermilluunniit annikinnerusumik atuigallassaguni, imaluunniit nunami aalisakkerivik innaallagissamik imermilluunniit siunissami annertunerusumik atuinissani uppersarsarsinnaaguniuk, nunami aalisakkeriviup imeq atugassaq inniminnarsinnaavaa, imermik amikkittoornerup tamanna ajornartissanngippagu. Inniminniinermi, allakkatigut isumaqatigiissusiorfigineqartussami, nunami aalisakkeriviup annertussuseq inniminnarsimasaaq akilissavaa, annertussuseq inniminnarsimasaaq atorneqarsimanngikkaluarpalluunniit. Inniminnikkat atuerpiarnerullu nikingassutaat ukiup naanerani sumiiffimmi akigitinneqartut malillugit akilerneqassapput/utertinneqassapput.

**Iermik pajuttoorneq,
imiisiviit imertartarfiillu**

1.2

*Sullitanut iermik
pajunneq*

1.2.1

Sumiiffimmi pajuttoornermut aningaasartuutit ukiup siuliani naatsorsukkat tunngavigalugit naatsorsorneqassapput.

Sullitat 2000 liter sinnerlugu imermut tankillit eqqarsaatigalugit Nukissiorfiit sullitarlu pilersorneqarnermut akiliutit amerlassusissaa pillugu immikut isumaqatigiissusiussapput, aningaasartuutiviit malillugit aalajangerneqartussamik.

Pajuttuisarnerup avataani, piffissaq suliffiusoq ullullu pajuttuiffiusut eqqarsaatigalugit imertaammit pajunneq pillugu sullitaq pajunnermi tapiliuimmik Nukissiorfiup akileeqqusinnaavaa, sumiiffimmi pajuttoornermut aningaasartuutit 100%-iannik taggillugit.

Sullitap Nukissiorfimmuut saaffiginnikkut illoqarfinni nunaqarfinnilu ataasiakkaani piffissaq pajuttoorfiusartoq nalinginnaasoq pillugu paasisinnaavaa.

Sullitanut pineqartunut piffissat pajuttortarfiusut allanngortinneqarneranni Nukissiorfiit nalunaaruteqassapput.

Iermik pajuttoorneqarneq pillugu piffissaq eqqorlugu taamaatitsineq pillugu nalunaarutiginninngitsooraanni sullitaq pajuttoornermut akiliummik akiliisinneqassaaq.

Imertartarfiit imiisiviillu

1.2.2

Imertartarfittut paasineqartarput imertartarfiit maqitsissusilikkat, atuisartunit atorneqarsinnaasut, imermut aqqummut pingaarnermut attavilersimasut Nukissiorfiit pigisaat, pilersitaat imaluunniit ingerlataat.

Pisortat imiisiviisut paasineqartarput imiisiviit tamanut

ammasumik maqitsisarfillit, imermut aqqummut pingaarnermut attavilerneqarsimangitsut. Imiisiviit tamanut ammasut kommuninit pigineqarput aserfallatsaaliorneqarlutillu, Upernaviup illoqarfia pinnagu, tassani imiisiviit Nukissiorfinnit pigineqarlutillu aserfallatsaaliorneqarput. Imiisiviit tamarmik imermik pilersorneqarnerat Nukissiorfimmit isumagineqarpoq.

Nunaqarfinni Nukissiorfiit imertartarfiinik imiisiviinillu uuttuuteqanngitsunik (ukiuunerani imiisiviit) atuineq KANUKOKA'p Namminersornerusullu isumaqatigiissutaat naapertorlugu kommunimit akilerneqartarpoq, atuinermi naatsorsorneqarluni 21 liter/inummut/ulloq unnuarlu kaajallallugu atuineq, innuttaasut 1.1.1997 aallaavigalugu amerlassusaat aallaavigalugu, Nukissiorfiit uuttuutininik ikkussuinissaata tungaanut.

Akinik aalajangersaaneq 1.3

Akigititaasut Attaveqarnermut Avatangiisinullu Naalakkersuisumit akuerineqartussaapput.

Innaallagissamut imermullu akigititat kiisalu akit amerlanerpaaffissaat ikinnerpaaffissaallu pillugit tunngavittut aalajangiineq takussutissaq 1-imi ersippoq.

**Innaallagissamik
imermillu atuinermi
annikillisaaneq**

1.4

Nukissiorfiit, taarsiiffigitinnissamik tamatumunnga piumasaqartoqarsinnaanngitsumik, innaallagissamik imermillu atuinermik imaluunniit taakku arlaasa ilaannik, annikillisaasoqarnissaanik aalajangersaasinnaavoq. Annikillisaaneq pisarpoq, Nukissiorfiit isumaqaraangat, innaallagissamik imermillu pilersuinerup ingerlanneqarnerata imaluunniit sunniutitigut pisariaqartitat imermillu isumalluutit eqqarsaatiginerini tamanna pisariaqassappat.

Nukissiorfiit aalajangissavaa suliffeqarfinnut innaallagissamik imermillu annertuumik atuisartut siunertanullu annertuunut allanut qanoq annertutigisumik pilersuisoqarsinnaanersoq.

Malugeqquneqarpoq nunaqarfinni atuisut killilersorneqarnerat suli atuummat, takuuk Nunaqarfiit innaallagissamik imermillu pilersorneqarnerisa Namminersornerullutik Oqartussanit tiguneqarnerat pillugu Inatsisartut inatsisaat nr. 13 ulloq 6. november 1997-imeersumi § 4, imm. 3.

Aasaanerani imeqarneq 1.5

Innuttaasut sullinnerannut atatillugu Nukissiorfiillu imermik pajuttuinerani aningaasartuutit ikilisinniarlugit, Nukissiorfiit aasaanerani erngup aqputaanik ikkussuisinnaavoq, tamanut ammasumik imermik pilersuisoqarfiunngitsuni, sumiiffinnilu illuni imermut tankilinnik najugaqarfiunerusuni.

Aasaanerani imermut attaviit aqputigalugit pilersuineq sullitat 1-

inut imermut akigitinneqartut malillugit akilerneqartarput. Sullitat aasaanerani imermut aqqummik pilerneqartut imaluunniit attavilerneqartut imaluunniit aasaanerani imermut aqqut Nukissiorfinnit aserfallaatsaalineqartut tamatumunnga akiliummik akiliisinneqassapput.

Nukissiorfiit sullitarlu periarfissaqarput nalinginnaasumik atuinissaq pillugu isumaqatigiissusiorsinnaallutik, tamanna malillugu akilerneqartartussamik.

**Nukissiorfiit
tunisassiaanik
tuniseqqinneq**

1.6

Nukissiorfiit tunisassiaanik tuniseqqinneq Nukissiorfiit siumut isumaqatigiissuteqarfigeqqaarnagit pissanngilaq.

2. Innaallagissamik pilersuinermi akigititat aalajangersakkallu

Innaallagissamut akigititat

2.1 Akigititani matussuserneqartarput Nukissiorfiit innaallagissiorfiinit innaallagissamik pilersuineq.

Sullitat 1-inut innaallagissamut akit

2.1.1 Innaallagissamik pilersuinermi akiliut sullitat 1-inut akigititat malillugit akilerneqartassapput.

Sullitat 2-nut innaallagissamut akit

2.1.2 Innaallagissamik pilersuinermi akiliut sullitat 2-nut akigititat malillugit akilerneqartassapput.

Kiassaatinut aalajangersimasunut innaallagissamut akigititat (Nuummuinnaq atuuppoq)

2.1.3 Akigititami tassani taamaallaat innaallagiat ininik kiassaanermut imermullu atugassamut atorineqarsinnaavoq. Kiassarnermi innaallagiat aalajangersimasoq innaallagissamik kiassarnermi immikkut atortorissaarutikkut nalunaarsorneqassaaq.

Akigititaq taanna kiassaatinut supoortunut imaluunniit atortorissaarutitut assingusunut atatillugu atorineqassanngilaq. Taakku sullitat 1-inut atuupput.

Akigititaq taanna taamaallaat atortorissaarutitut kiassaatinut innaallagiatortut pillugit aalajangersakkat qaqugukkulluunniit atuuttut malillugit ikkussuussimasunut atorineqarsinnaavoq.

Kiassaatinut innaallagiatortunut qaminneqarsinnaasunut innaallagissamut akigititat (taamaallaat illoqarfinni erngup nukinganik nukissiorfilinnut atuuppoq)

2.1.4 Akigititaq taanna innaallagissamik atuinermi akilerneqassaaq, tassa kiassarnermut allamut tapertatut kissarsuutit innaallagiatortunit kiassaatinut, nukissamik atuinuq Nukissiorfiup aqussinnaasaani.

Innaallagissamut uuttuutit attartorneq

2.2 Uuttuummik attartorneq qammammut aalajangersimasumik akiliisoqartarpoq.

Innaallagissamut uuttuutit pingasunut avinneqarput:

Uttuut $\leq 63 A$:

Uttuutit innaallagiat toqqaannartumik uuttortarparaa. Uttuutit innaallagissamut atortunut 63 ampere angullugu ikkuffilinnut atorineqartarpoq.

Elmål $> 63 A$:

Uttuutit sakkortusaavinnut uuttuutaavoq, innaallagissamut sakkortusaat toqqaannanngitsumik sarfarmik uuttuisarluni. Sakkortusaavinnut uuttuutit 63 ampere sinnerlugu sakkortutigisunut atorineqartarpoq.

Uuuttuutaagalartut:

Uuuttuutaagallartut sanaartorfinni utaqqiissaasumillu
innaallagissamik ikkussuiffiusunut atorneqartarpoq.

Uuttuut ≤ 63 A sullitat 1

2.2.1

Innaallagissamut uuttuutitut nalinginnaasunut attartornermi
akilut sullitat 1-inut atuuppoq.

Uuttuut ≤ 63 A sullitat 2

2.2.2

Innaallagissamut uuttuutitut nalinginnaasunut attartornermi
akilut sullitat 2-nut atuuppoq.

*Uuttuut ≤ 63 A kiassaait
innaallagiatortut
ikkusimasut*

2.2.3

Innaallagissamut uuttuutitut nalinginnaasunut attartornermi
kiassaaititut ikkusimasunut akiliut.

2.2.4

Sakkortusaavinnut uuttuutitut attartornermi akiliut sullitat 1-inut
atuuttoq.

Uuuttuut > 63 A sullitat 2

2.2.5

Sakkortusaavinnut uuttuutitut attartornermi akiliut sullitat 2-nut
atuuttoq.

*Uuuttuut > 63 A kiassaait
innaallagiatortut
ikkusimasut*

2.2.6

Kiassaaititut ikkusimasunut sakkortusaavinnut uuttutitut
attartornermut akiliut.

Uuttuutaagallartut

2.2.7

Innaallagissamik uuttuutaagallartunut attartornermut akiliut.

**Innaallagissamut
attavilernermit akiliut**

2.3

Ikkuffiup sakkortussusia malillugu attavilernermit akiliut
akilerneqartarpoq. Attavilernermit akiliut siumut
akilerneqareeraangat sullitap ikkuffia kabelskabimut imaluunniit
napparummut Nukissorfiup attavilissavaa. Attavilernermit
akiliutip amerlassusia ima agguarneqartarpoq:

Attavilernermit akiliut 1

2.3.1

35 A angullugu akinut qularnaarinninnet

Attavilernermit akiliut 2

2.3.2

50 A-mit 100 A angullugu akinut qularnaarinninnet

Attavilernermit akiliut 3

2.3.3

125 A-mit 160 A angullugu akinut qularnaarinninnet

Attavilernermit akiliut 4

2.3.4

Akinut qularnaarinninnet annerusunut kiisalu

napparutaanngitsumut imaluunniit kabelskabiunngitsumut
ikkussineq akiligassiisuteqarnikkut akilerneqartarpoq
(neqeroorutigineqaaqaarsinnaavoq).

Sanaartorfinnut

2.3.5

*/atortorissaarutaagallartunut
akiliut*

Sanaartorfinni attavilerneq atortorissaarutaagallartunilu allani
attaviliinermut akiliutit 1 – 4 akilerneqassanngillat. Akerlianik
sullitap attaviliinermut atatillugu aningaasartuutit tamaasa
akilissavai.

**Kiassaatinut
innaallagiatortunut
ikkusimasunut
attavilernermit akiliut**

2.4

Immikkoortoq 2.3 innersuussutigineqarpoq.

**Sakkortussutsimik
allanngineq**

2.5

”Ataatsimoorussamik maleruagassaq” aamma ”Kalaallit
Nunaanni innaallagissamut sakkortuumut atortut pillugit
ataatsimoorussamik aalajangersakkat” malillugit akuerisaasut
qaangerlugit sullitap sakkortussuseq allanngortillugu
innaallagissap aqutaanik artukkiippat, peqquneqaraluarlunilu
sakkortusiinini iluarsinngippagu, Nukissiorfiit uuttuummik kVAh-
mik ikkussisinnaavoq, taannalu malillugu atuinera akileqqullugu.
kVAh-mut akitut sullitap kWh-mik akiliutaa nalinginnaasoq
atorneqassaaq.

*Uuttuummik kVAh-mik
attartorneq*

2.5.1

Uuttuummut kVAh-mut attartornermut immikkut
akiliutigineqassaaq sullitaq kWh-mut uuttuuttaata angeqqataanik
akiliissaaq.

*Uuttuummik kVAh-mik
ikkussuineq*

2.5.2

Uuttuummik kVAh-mik ikkussinermi akiligassiisut malillugu
sullitaq akiliissaaq, tassunga ilanngunneqassaaq attavilernermit
akiliut imm. 7.1

*Uuttuummik kVAh-mik
attaveerutitsineq*

2.5.3

Uuttuutip kVAh-p attaveerunnerani akiligassiisut malillugu
akiliisoqassaaq, tassunga ilanngunneqassaaq attaveerunnermit
akiliut imm. 7.2

3. Iermik pilersuinermi akigitat aalangersakkallu

Iermut akigitat

3.1
Akigitani matussuserneqartarput Nukissiorfiit imermik pilersuiffiit imermik pilersorneqarneq.

Erngup akia sullitat 1

3.1.1
Iermik pilersuinermi akiliut sullitat 1-nut erngup akia akiliutigineqassaaq

Erngup akia sullitat 2

3.1.2
Iermik pilersuinermi akiliut sullitat 2-nut erngup akia akiliutigineqassaaq

Sullitanut imiisivinnullu imermik pajunnermi erngup akia

3.1.3
Iermik pajunnermi erngup akia imm. 3.1.1-imi akiliutigineqassaaq, qaavatigut attavilernermi akiliut sumiiffimmi pajunnermi aningaasartuutit 50%-inik ilallugu, takuuk imm. 1.2.1

Sanaartorfinnut, umiarsuarnut minnernut il.il. imermik pajunnermi erngup akia

3.1.4
Iermik pajunnermi erngup akia imm. 3.1.1-imi akigititaq akiliutigineqassaaq, qaavatigut attavilernermi akiliut sumiiffimmi pajunnermi aningaasartuutit 100%-inik ilallugu, takuuk imm. 1.2.1

Umiarsuarnut annernut tuneqqitassamik imertaatinik imermik pajunnermi erngup akia

3.1.5
Iermik pajunnermi erngup akia imm. 3.1.1-imi akiliutigineqassaaq, qaavatigut attavilernermi akiliut Kalaallit Nunaat tamakkerlugu sumiiffinni pajunnermi assinganik ilallugu.

Akigitinneqartoq taamaallaat piffissap pajuffiusartup nalinginnaasup iluani atuuppoq.

Piffissami nalinginnaasumi pajuffiusup avataani akiligassiissutit malillugit akiligassamik pajunneqarnissamik inniminniisoqarsinnaavoq.

Piffissat nalinginnaasumik pajuttarfiusut imm. 1.2.1-imi takuneqarsinnaapput.

Umiarsuarnut annernut imermik tuneqqitassamik imertaatinik pajunnermi erngup akia

3.1.6
Iermik pajunnermi erngup akia imm. 3.1.1-imi akiliutigineqassaaq.

Aasaanerani imermut ruujorinik attavilernermit akiliut

3.1.7
Aasaanerani imermut ruujorinik attavilernermit akiliut imm. 1.5-ip ataaniippoq

Iermut uuttuummik

3.2

attartorneq

Imermut uuttuummik attartornermi qaammammut aalajangersimasumik akiliisoqartarpoq.

Imermut uuttuutit angissutsinut marlunnut avitaapput:

Imermut uuttuut $\leq 10 \text{ m}^3/\text{h}$:

Imermut uuttuutit $10 \text{ m}^3/\text{h}$ angullugu naammassinninnaasut

Imermut uuttuut $>10 \text{ m}^3/\text{h}$:

Imermut uuttuutit $10 \text{ m}^3/\text{h}$ qaangerlugu naammassinninnaasut

Imermut uuttuut $\leq 10 \text{ m}^3/\text{h}$ sullitat 1

3.2.1

Imermut uuttuummik $\leq 10 \text{ m}^3/\text{h}$ -mik attartornermut akiliut sullitat 1

Imermut uuttuut $\leq 10 \text{ m}^3/\text{h}$ sullitat 2

3.2.2

Imermut uuttuummik $\leq 10 \text{ m}^3/\text{h}$ -mik attartornermut akiliut sullitat 2

Imermut uuttuut $>10 \text{ m}^3/\text{h}$ sullitat 1

3.2.3

Imermut uuttuummik $>10 \text{ m}^3/\text{h}$ attartornermut akiliut sullitat 1.

Imermut uuttuut $>10 \text{ m}^3/\text{h}$ sullitat 2

3.2.4

Imermut uuttuummik $>10 \text{ m}^3/\text{h}$ attartornermut akiliut sullitat 2

Imermut attavilernermut akiliut

3.3

Attavilernermut akiliutip siumut akilereerneratigut Nukissiorfiit imermut uuttuummik il.il. tunniussissaaq, ikkussuunneqarsimasullu misissorlugit.

Attavilernermut akiliut 1

3.3.1

Immikkoortoq 3.3 innersuussutigineqarpoq

4. Kiassarnermik pilersuinermi akigititat aalajangersakkallu

Kiassarnermi akigititat	4.1 Akinut matussutaasarpog Nukissiorfiit kiassaateqarfiinit kiassarnermik pilersorneqarneq
<i>Kiassarnermut akit</i>	4.1.1 Kiassarnermik pilersuinermi kiassarnerup akianik akiliisoqartarpoq. Akigitinneqartoq MWh-mut tagginneqartarpoq (1.000 kWh)
Kiassarnermut uuttuummik attartorneq	4.2 Kiassarnermut uuttuummik attartornermi qaammammut aalajangersimasumik akiliisoqartarpoq. Kiassarnermut uuttuutit angissutsinut marlunnut avinneqarput: <i>Kiassarnermut uuttuut $\leq 5 \text{ m}^3/\text{h}$:</i> Kiassarnermut uuttuutit $5 \text{ m}^3/\text{h}$ angullugu naammassinnissinnaasut <i>Kiassarnermut uuttuut $> 5 \text{ m}^3/\text{h}$:</i> Kiassarnermut uuttuutit $5 \text{ m}^3/\text{h}$ sinnerlugu naammassinnissinnaasut
<i>Akiliutissanut uuttuutit $\leq 5 \text{ m}^3/\text{h}$</i>	4.2.1 Kiassarnermut uuttuummik $5 \text{ m}^3/\text{h}$ angullugu attartornermut akiliut
<i>Akiliutissamut uuttuutit $> 5 \text{ m}^3/\text{h}$</i>	4.2.2 Kiassarnermut uuttuummik $5 \text{ m}^3/\text{h}$ qaangerlugu attartornermut akiliut.
Kiassarnermut qaminneqarsinnaasumut akigititat	4.3 Akigititami matussutaavoq Nukissiorfiit innaallagissiorfiinit kissarsuuteqarfinnut Nukissiorfiit pigisarinngisaannut, Nukissiorfiillu pilersuiffigisassatut pisussaaffeqarfiginngisaannut kiassarnermik qaminneqarsinnaasunik pilersuineq. Nunaqarfinni kiassarnermik qaminneqarsinnaasumik pilersuineq eqqarsaatigalugu KANUKOKA'p aamma Namminersorerullutik Oqartussat akornanni isumaqatigiissutit immikkut ittut atuupput.
<i>Kiassarnermut qaminneqarsinnaasumut akit</i>	4.3.1 Kiassarnermik pilersuinermi kiassarnerup akianik akiliisoqartarpoq. Akigitinneqartoq MWh-mut tagginneqartarpoq (1.000 kWh)

5. Uttortaaneq nalunaarsuinerlu

Uttortaanermi atortut

5.1

Innaallagissamik, imermik kiassarnermillu pilersuinermi uuttortaanermut atortut Nukissiorfiit pigisarai, aserfallatsaaliorkaat nakkutigalugillu.

Illuutini piginnittut Nukissiorfimmit innaallagissamik, imermik kiassarnermillu pilersorneqartut illuutigisap atuineranut akiliisarnermi atugassanik uuttuutini ikkussuiffiqeqarnissaq pisussaaffigaat, takuulli immikkoortoq 1.5.

Nukissiorfiit, innaallagisserisut akuerisaasut imaluunniit mesterit Nukissiorfinnit akuerisaasut innaallagissamik, imermik kiassarnermillu pilersuinermi uuttuutini mesterit pineqartut sammisaqarfimmik iluanni ikkussuisinnaapput.

Uttuutit Nukissiorfimmit tunniunneqartut ikkussuunneqartullu taamaallaat akiliutissanik naatsorsuinermut atoqqusaapput.

Nukissiorfiit uuttuutini ikkussuisinnaavoq, taakkunatigut ungasianit nalunaarsuinikkut atuinerpiaq uuttortarneqarsinnaalluni.

Sullitap saniatigut uuttortaateqarnera/siammarterinermit uuttortaateqarnera Nukissiorfiit susassarinnilai. Uttortaait taamaattut saniatigut uuttortaataaneri erseqqissumik nalunaaqutserneqassapput, taamaalilluni paarlaassisoqarsinnaajunnaarlugu. Paarlaassisoqartuussagaluarpat kingunerisassai sullitap akisussaaffigissavai.

Uttortaatinik il.il. inissiineq

5.2

Uttortaait innissinneqarnissaat pillugu Nukissiorfiit malittarisassiuussisinnaavoq. Illuutigisat allangortinneqarnerini uuttortaatinut iserfiusinnaasut kiisalu taakku inissinneqarnissaat pillugu Nukissiorfiit maleruaqqusai suli eqquutsinneqartuassapput.

Uttuutit ajornaatsumik iserfigineqarsinnaangorlugit inissinneqassapput, taamaalilluni ajornartorsiutitaqanngitsumik taarserneqarsinnaallutik atuarneqarsinnaallutillu.

Uttortaammik nuussineq

5.3

Illuutini allangortiterinermit imaluunniit illuutip atorneqarnerata allangortinneqarnerani uuttortaait tulluutinningsumik ima inissinneqarpat, misissuineq nalunaarsuinerlu nalinginnaasumik isumagineqarsinnaajunnaarlugu, sullitap (illuutimik piginnittup) akiligassaanik uuttortaait nuunneqarnissa

Nukissiorfiit piumasarisinnaavaa.

Uuttortaammik ajoqusiineq

5.4
Uuttortaat tammarpat, aserorneqarpat imaluunniit
ajortinneqarpat sullitaq Nukissiorfimmut
taarsiisussaataavoq.

**Uuttortaatit
ajortinnerinik/ajoqusernerinik
nalunaarutiginninneq**

5.5
Uuttortaatip ajoqusersimamera, uninngaannalenera
imaluunniit allatut kukkusumik nalunaarsuineranik sullitaq
pasitsaassiguni, tamanna pillugu sullitaq ingerlaannartumik
Nukissiorfinnut nalunaartussaataavoq.

**Uuttortaatip eqqorluassusia
misissorneqarneralu**

5.6
Uuttortaatip ikkussuunneqarsimasup sullitap aammalu
Nukissiorfiit piumasaqarnerisigut misissorneqarsinnaavoq.
Sullitaq misissuinissamik inniminniisimappat uuttortaatillu
misissorneqarnerani 5 %-imik inorluguluunniit
nikingassuteqarpat misissuinermi aningaasartuutit sullitap
akilissavai.

Uuttortaat annerpaamik 5%-imik nikingappat uuttortaat
eqqortumik nalunaarsuisutut isigineqassaaq, atuinerlu
nalunaarsorneqartoq sullitap akilissallugu pisussaaffigaa.

**Nammineerluni
nalunaarsuineq, ilaallutik
nalunaarsuinissamik
inniminniineq**

5.7
Nukissiorfiit nammineq piumassutsimigut immikkut
nalunaarsuinissamat piginnaatitaavoq, tamannalu sullitap
akiligassarinagu.

Uuttortaammik nalunaarsuineq nammineerluni
nalunaarsuineramik taarserneqarsinnaavoq, sullitaq piffissap
aalajangersimasup iluani nammineerluni
nalunaarsuinissamat pisussaataalluni.

Nammineerluni nalunaarsuiffik nassiunneqanngippat
Nukissiorfiit nammineq uuttortaatip nalunaarsornissaanut
pisinnaatitaavoq, nalunaarsuinissamik inniminniinermi
akiliutigisartakkap amerlaqataanik sullitaq
akileeqquneqartussaalluni

Sullitaq akiliuteqarnermigut uuttortaammik
nalunaarsuinissaq inniminniissutigisinnaavaa.

Innaallagiasq

5.7.1
Uuttortaat nalinginnaasumik ukiumut ataasiartumik
nalunaarsorneqartarpoq. Piffissaq nalunaarsuiffiusussaq
Nukissiorfiit aalajangertarpa.

Innaallagiasq akiata allanngortinneqarnerani
naatsorsuineq malillugu naleqqussaalluni

akiligassiissusiinikkut naatsorsuisoqassaaq.

Innaallagissap akiata allanngortinneqarnerani suliffeqarfiit immikkut isumaqatigiissusiorfigineqarsimasut uuttortaammik nalunaarsuineq tunngavigalugu naleqqussaaffigineqassapput.

Imeq

5.7.2

Uuttortaat nalinginnaasumik ukiumut ataasiartumik nalunaarsorneqartarpoq. Piffissaq nalunaarsuiffiususaaq Nukissiorfiit aalajangertarjaa.

Ergup akiata allanngortinneqarnerani naatsorsuineq malillugu naleqqussaalluni akiligassiissusiinikkut naatsorsuisoqassaaq.

Ergup akiata allanngortinneqarnerani suliffeqarfiit immikkut isumaqatigiissusiorfigineqarsimasut uuttortaammik nalunaarsuineq tunngavigalugu naleqqussaaffigineqassapput.

Kiassarneq

5.7.3

Uuttortaatit nalinginnaasumik qaammagini pingasukkaartumik nalunaarsorneqartarput kiisalu kiassarnerup akiata allanngortinneqarnerani.

Ungasianit nalunaarsuineq

5.7.4

Ungasianit uuttortaatit nalunaarsorneri qaammammum minnerpaamik ataasiartumik Nukissiorfinnit isumagineqartarpoq.

**Uuttortaatit ajoquteqarnerini
atuineq**

5.8

Uuttortaatip kisitsisai kukkusuusut paasineqarpat, piffissami nikingassuteqarfiusumi atuisimaneq nalilersorlugu Nukissiorfinnit aalajangerneqassaaq. Naliliinermi tunngavigineqassapput siusinnerusukkut ukiumut atuisarsimanerit kiisalu paasissutissat atortut ikkussorsimasut pillugit piffissamilu atuisimaneq pillugu sullitami pissarsiarineqartut tunngavigalugit.

**Uuttortaatit ajoquteqarnerini
akiligassanillu
naatsorsuinermi kukkunerni
naleqqussaaneq**

5.9

Aningaasanik amerlavallaanik akiliisoqarsimatillugu Nukissiorfiit sullitaq utertitsiffigissavaa kiisalu akiligassanik kukkusumik naatsorsuisoqarsimatillugu ikippallaanik akiliisoqarsimappat akileeqqusissaaq, tassani tunngavigineqassapput uuttortaatip ajoqusersimanera, kukkusumik nalunaarsuisimaneq, atuisimanermik kukkusumik naatsorsuisoqarsimaneq assigisaallu.

Akiligassanik utertitassanillu taamaallaat piffissami kukkunerup paasineqarfiani naleqqussaarisooqarsinnaavoq. Taamaattorli amerlanerpaamik ukiunut tallimanut uterluni,

ullormi ajoquteqarnerup sullitap paasisaqarfianit.

Ammarnaveersaatit

5.10

Sullitap uuttortaat allanngortitissanngilaa, tamakkununga ilaallutik ammarnaveersaatit imaluunniit uuttortaatip atorsinnaassusia allatigut sunnerniaaffigalugu. Uttortaatip taama innarlersimanerata kingunerisaanik uuttortaammik misissuineq aaqqissuinerlu imaluunniit taarserneqarnera sullitap akilertussaavai.

Uttortaatip ammarnaveersaata innarlersimanersoq sullitap misissortariaqarpaa, pingaartumik nuunnermi imaluunniit pilersuinermi atortut pioreersut atulernerini.

Ammarnaveersaatit innarlersimanerat ingerlaannartumik Nukissiorfinnut nalunaarutigineqassapput.

6. Akiliisarneq akiligassanillu kinguaattoornerit

Akiligassiissutit/ siumoortumik akiliigallarneq

6.1
Nukissiorfiit akiligassanik arlalinnik imaluunniit siumut akiligassanik suliarinnissinnaavoq. Akiligassat imaluunniit siumut akiligassat ukiumut qanoq amerlatiginissaat Nukissiorfimmit aalajangerneqartarpoq. Akigititat allangornerini imaluunniit atuinerup allangornerani siumut akiliutaasartoq Nukissiorfiit allangortissinnaavai. Siumut akiliutaasartut amerlassusiat sullitap piumasaqarneratigut aamma allangortinneqarsinnaapput, atuinerup allangornera uppernartutut Nukissiorfiit isumaqarfigippagu.

Sullitani ungasianit nalunaarsuutininik ikkussiffigineqarsimasuni atuneq, qaammatikkaartumik atuinerpiaq tunngavigalugu akiligassinneqassapput.

Akiligassiinermi akiliut

6.2
Sullitat Aningaaseriviit Akiliisarnermut Kiffartuussutaannik (PBS) atuinngitsut imaluunniit akiliiffissanik FI-nik nassiussimasanik atuisanngitsut, Nakissiorfiit akiligassiissutitigut ataasiakkaakkut suliarinninnermi akitsuut sullitamut akileqqusinnaavai.

Akiliinissamut piffissaliussat

6.3
Nukissiorfimmit akiligassiissutit akiligassiissummi piffissaliussap taaneqartup iluani akilerneqassapput.

Piffissap naanerani sullitaq akiliisimangippat akiligassaq suli akilerneqarsimanngitsoq akiliinissamik eqqaasitsissummik Nukissiorfiit nassiussissapput, eqqaasitsissummilu ulloq taaneqartoq nallertinnagu akiliisoqarsimanngippat pilersuinerlu Nukissiorfiit matujumaaraat.

Akiliinissamut eqqaasitsissummik nassiussinermi Nukissiorfiit akiitsuutininik akileeqqusisinnaatitaavoq. Akiliutissaq sullitap akiligassaanut tullermut ilanngunneqassalluni.

Akiligassanik kinguaattoornermi erniaalersuisarneq pillugu inatsit malillugu qaqugukkulluunniit akiitsut sinneruttut qaavisigut Nukissiorfiit erniaalersuisinnaavoq.

Matusinermi akiliut

6.4
Akiliinissamut eqqaasitsissummi ulloq matusiffiusussatut aalajangiussaq tikitsinnagu sullitaq akiliisimangippat matusinissamik nalunaarummik nassiussisoqassaaq, taassumalu kingorna Nukissiorfiit siumut kalerreeqqaarani pilersuinermik matusinissamut pinsinnaatitaalluni.

Matusinissamik nalunaarutip nassiutereernerani sullitap matusinermik akiliisussaataavoq kiisalu inaarutaasumik akiligassamik nassiussisoqassalluni, matusinerluunniit ilumut

pisimangikkaluarpat.

Sullitat ungasianit nalunaarsuut atorlugu ungasianit matuneqartut, matusiartortumi aggertoqarnera sullitat akilissanngilaat.

**Allakkerisarfikkut
nassiussinermi
aarlerinaatit**

6.5

Akiliinissamik eqqaasitsissut imaluunniit matusinissamik nalunaarut allakkerisarfikkut nassiussassanngorlugu imaluunniit allatut isumannaatumik ingerlatassanngorlugu Nukissiorfiit tunniutereeraangatigik, nassiussat tamakku kinguaattoornissaannut imaluunniit apuutinngitsoornissaanut aarlerinaatit Nukissiorfiit akisussaaffinngilai.

**Kinguartitsineq /
piumassutsimik
isumaqatigiissusiorneq**

6.6

Akiliinissamut kinguartitsineq imaluunniit naafferaartumik akiliinissamut Nukissiorfiit isumaqatigiissusiorsinnaapput, pisussaaffeqarfiginaguli. Isumaqatigiissutip qanoq siviutiginissaa Nukissiorfiit aalajangissavaa, tamatumunngalu akiliummik/erniaalersuineramik akileeqqusisinnaalluni. Kinguartitsinermut aaqiissut / piemassutsimik isumaqatigiissut sullitap eqquutsinngippagu ingerlaannartumik imminut isumagisumik atorunnaarsinneqassaaq.

**Akilersuineramik
unitsitsineq,
akiliisinnaajunnaarneq
il.il.**

6.7

Akilersuineramik unitsitsisoqarnerani, akiliisinnaajunnaartoqarnerani, toqusup qimataanik suliarinninnermi il.il. akiligassat akiitsorineqartut akilersinneqassapput. Akilersuinerup unitsinnerata, akiliisinnaajunnaarnernup, ullup toquffiusup ullua qaangerlugu il.il. attaveqaannartitsineq taamaallaat pisinnaavoq, pilersuinerup ingerlatiinnarnissaanut akiliisinnaassuseq Nukissiorfiit qulakkeereerpagu.

Qularnaveeqqusiineq

6.8

Attavilernissamut nalunaarutiginninnermi imaluunniit kingusinnerusukkut Nukissiorfiit tunngavissaqartumik isummeruni sullitap akilersuisussaaffimminik piffissaq eqqorlugu naammassinnissinnaanngitsoq, Nukissiorfiit pisinnaatitaapput pisuni makkunani siumut akiliinissamik imaluunniit allatut naammaginartumik qularnaveeqqusiinissaq piumasarisinnaallugu:

a: Nukissiorfiit tuniniaanermi pilersuinermilu piumasaqaatai naapertorlugit sullitap siusinnerusukkut akiliinissamut pisussaaffini unioqutissimappagit imaluunniit unioqutissimappagit.

b: Sullitaq akiligassaminik kinguaattooqqappat.

c: Suliffeqarfiit pilersinneqarlaat missingersuusiornikkut allatulluunniit tulluartunik uppersaasiinikkut

akiliisinnaassutsiminnik uppernarsaasinnaangippata.

Aningaasat amerlassusissaat qaammatit tallimat (5) angullugit atuisimaneq aallaavigalugu atuneq missingerneqarneratigut aalajangerneqassapput. Qularnaveeqqutitut akiliutigineqarsimasut sullitaq ukiut pingasut (3) ingerlanerini akiligassaminik piffissaq eqqorlugu akiliisarsimappat Nukissiorfiit utertissavaat.

Sullitaq piумаффигинеqaraluarluni siumut qularnaveeqqutininik akileerusunngippat, attaveerunneqarnissaq pillugu sullitaq allakkatigut siumut kalerrereerneratigut attaveqarnerup peerneqarnissaanut Nukissiorfiit pisinnaatitaapput. Attaveerunneqarnerup malitsigisassai – periuseq qulaani taaneqartoq isumagereerlugu – Nukissiorfiit susassarinnilai.

Attavileqqinneq

6.9

Akiliuteqartannginnerup kingunerisaanik attaveerussimanerup kingorna pilersuinerminik attavilerteqqinneq aatsaat pisinnaavoq, kinguaattoorutit aningaasartuutininik ilaneqarsimasut akilerneqareerpata. Kinguaattoornerup kingorna attavilertinneq akitsuutininik ilaneqassaaq.

Sullitat ungasianit nalunaarsuut atorlugu ungasianit ammarneqartut, ammaajartornermi aggertoqarnera sullitat akilissanngilaat.

7. Attavilersinneq, taamaatitsineq nuunnerlu

Attavilersinneq

7.1

Sullitap atuisartutut attavilersinnissaq nalunaarutigippagu, uuttuutit ataasiakkaarlugit akitsuummik akileeqquneqassaaq.

Nukissiorfiit inissianik aqutsisoqarfik allakkatigut isumaqatigiissuteqarfigisinnaavaa, inissiat ataatsimut aqunneqartut pillugit taamaatitsinerit attavilerinnerillu pillugit, aalajangersimasumik aningaasartalerlugit qaammatit pingasukkaarlugit akilerneqartartussanngorlugit.

Taamaatitsineq

7.2

Sullitap atortorissaarutini tamaasa taamaatinnissai pillugit ullut suliffiusut pingasut sioqqullugit kalerriinikkut nalunaarutigisinnaavai. Tamatuma kingorna uuttuutunik nalunaarsuisoqassaaq, inaarutaasumik akiligassiinnermut atorneqartussanik.

Sullitap taamaatitsineranut atatillugu Nukissiorfiit akitsuummik akileeqqusissaaq.

Akiliisussaatitaaneq, nuunneq

7.3

Sullitaq akiligassanik akiliisussanngussaaq ulloq atortorissaarutit taamaatinneri tikillugu, kiisalu uuttuummik nalunaarsuinnermik akuerineqarsimasumik Nukissiorfiit pissarsisimassalluni, imaluunniit sullitaq nutaaq isumaqatigiisummik iluarsisimappat, uuttuutillu killiffia pillugu taassuma nalunaarutigisimappagu.

Inissiani attartortittakkani attartortut paarlannerini piffissap nalaani atuineq piginnittup akilertussaavaa. Piginnittoq pisussaavoq atuilerinnermut atuijunnaarnermullu nalunaarummi Nukissiorfiit immersugassai atorlugit nalunaarutiginnissalluni.

Uuttuutunik attaveerutsitsineq attavileeqqinneq il.il.

7.4

Nukissiorfiit attaveerunnissamik nalunaarfigineqaruni, taassumunngalu atatillugu sullitap nutaap atortut ingerlateqqinnissaanik nalunaaruteqarsimanngippat, attaveerunnerup atuutilernerani ulluata kingorna Nukissiorfiit imaaliussalluni pisinnaatitaavoq:

- Pilersuinnermut periarfissamik atorunnaarsitsineq kiisalu uuttuutunik piianeq, aamma
- Nukissiorfiit pilersuutai sullitap atortorissaarutaanut atatillugu ikkussuunneqarsimasut peqqutissaqarluarpat peersinnaallugit.

Sullitaq atortorissaarutini pineqartuni atuisutut nalunaarpat Nukissiorfiit atortorissaarutit attavileeqqissavai.

Atortorissaarutininik piiaanermut ikkuseqqinnermullu akiliutissanik

Nukissiorfiit akileeqqusissaaq.

8. Akisussaaffiit

Ingerlatsinermi ajoquteqartillugu akisussaaffik

8.1

Innaallagissamik, imermik kiassarnermillu pilersuinermi atugassarititaasut naammaginartumik ingerlatsinissaq qaqugukkulluunniit Nukissiorfiit ilungersuutigissavaa.

Atortut inunnik pigisanilluunniit ajoqusiippata, innaallagissamik sakkortuumik atortorissarutit atortullu innaallagiatortut pillugit Inatsisartut peqqussutaat nr. 12 § 16 ulloq 3. november 1994-imeersoq atuutsinneqassaaq.

Nukissiorfiit sapinngisamik sioqqutsisumik kalereereernikkut pilersuinerup unitsinneqarnissaanut imminut pisinnaatavoq. Aserortoornernut atatillugu siumut kalerriinertaqanngitsumik pilersuinermik sivikitsumik pisariaqartumillu qamitsisoqarsinnaavoq.

Ingerlatsinermi annaasanut, iluanaarutissanik annaasanut imaluunniit toqqaannanngitsumik annaasanut allanut Nukissiorfiit akisussaannngilaq, Nukissiorfiit tungaannit sakkortuumik mianersuaallortoqarsimanissaa eqqaassanngikkaanni. Taamaammat inuussutissarsiutinik ingerlatsisut kaammattorneqarput ingerlatsinermi annaasaqarnissamut sillimmaseeqqullugit.

Pisut siumut takorloorneqarsinnaanngitsut

8.2

Pinngortitami ajunaarnersuaqartillugu, sorsuttoqartillugu, pikitsitsisoqartillugu, aserorterisoqartillugu, ikuallattoqartillugu, qaartoortoqartillugu, suliumajunnaartoqartillugu pissutsilluunniit allat Nukissiorfiit nakkutigisaasa avataaniittut malitsigisaannik sunniutit pilersuinermik kipisitsisut Nukissiorfiit akisussaaffiginngilai.

9. Saaffiginnittarneq

Saaffiginnittarneq

9.1

Kiffartuussutit Nukissiorfiit isumagisai pillugit sullitaq Nukissiorfimmu apeqquteqarusukkuni, sullitaq najugaqarfimmini sullitanik kissartuussivimmu qaqugukkulluunniit saaffiginnissinnaavoq imaluunniit Nuummik Qullersaqarfimmi sullitanik kiffartuussivimmu.

Taamattaq sullita uunga allagaqarsinnaavoq:

Nukissiorfiit
Kundeservice
Postboks 1080
3900 Nuuk

Sumiiffikkaani nukissiorfiit najugaat uani takuneqarsinnaappu;
www.nukissiorfiit.gl

10. Maalaaruteqarsinnaaneq

Maalaaruteqarsinnaaneq 10.1

Sullitap Nukissiorfiit pilersuutai imaluunniit akiligassiissutai il.il. pillugit naammaginngisaqaruni, uunga maalaarutigisinnaavai:

Nukissiorfiit
Kundeklager
Postboks 1080
3900 Nuuk

Aalajangiussat sullitap naammaginngikkunigit, aalajangiineq uunga maalaarutigisinnaavaa; Nukissiornermi Pisortaq, Nukissiorfiit, Postboks 1080, 3900 Nuuk.

Pilersuineq imaluunniit akiligassiissutit il.il. Nukissiornermi Pisortap aalajangigai uunga maalaarutigineqarsinnaapput; Attaveqarnermut Avatangiisinullu Naalakkersuisoqarfik, Indaleeqqap Aqputaa 3. Postboks 909, 3900 Nuuk.